

蒲氏世系表

始祖璋，配杨氏，生五子：子忠、子敬、子隆、子宣、子荣。

相传蒲姓为元世勋，宁、顺间有夷族之祸，刑戮之余，止遗藐孤，时方六七岁，匿外祖家。外祖姓杨氏，居村北之杨家庄，遂从母姓为杨。元鼎既革，始复旧姓，厥讳璋，即今始祖也。此亦传疑之说，无所考信矣。

十一世孙松龄谨识。

子忠，配韩氏，子三，坟在老茔。

整，配孙氏，子三。

海，配张氏，子四。

臻，配郭氏、许氏，子一。

永祥，配张氏，子二：世广、世珍。

公道德闻望，为一时所仰重，暮年举耆德于乡，邑侯就正焉。居第在东街，好倚杖坐门外，过者无不下骑。时邑中无科甲，国姓永盛少年初登第，意气颇扬，入城谒大令，驰而过之。既归，仆告太公。太公怒，诃责之，使返负荆于门。亦可见当年之古道矣。

松龄谨识。

世广，邑庠生，配王氏。子四：续芳、继芳、绍芳、联芳。

公少聪慧，才冠当时，好掷钱为六丰之戏，常坐堂中，令婢拾供之，六钱不溢一砖，必得四幕无讹，遂为绝技。后族人讳节者，与龙兴寺挂搭僧赌，大败，田宅皆质去。大窘，求救于公。公慨然囊货往，顷刻间尽复所失。趣装将归，僧固挽之。公笑曰：“实相告：汝之技仅能擎三幕，我擎四幕，是以胜也。空汝囊亦非难，但我非博徒，不过为族人复仇耳。”僧益惊，求受其术。公曰：“我不能助恶人为虐也。”乃归。此虽小技，亦足见聪明之一斑矣。

松龄谨识。

蒲氏文学自公始。

震谨识。

继芳，配赵氏，邑庠生，子五。

生泽、生溪、生洙、生汭、生浣。

生汭，配王氏，子五。

櫟

榘

槃，字敏吾。配董氏、孙氏、李氏。

公少力学而家苦贫。操童子业，至二十馀不得售，遂去而贾。数年间，乡中称为素封。然权子母之馀，不忘经史，其博洽淹贯，宿儒不能及也。长公早丧，四十馀苦无子。得金钱辄散去。值岁凶，里中贫者，辄按日给之食，全活颇众。后累举四男，食指烦，家渐落，不能延师，惟躬自教。子游泮者三人。其生平主于忠厚，即乡中无赖，横逆时加，惟闭门而已。

舅松龄谨识。

祝，配韩氏。

公为人豪爽好施，族中贫子弟或戚党之乏者，辄相其人而授之资，使学负贩，赖以成家者甚众。……

松龄谨识。

裴

兆箕

兆专 字人枢。配韩氏。邑庠生。

柏龄 字辛甫。配黄氏。邑庠生。

松龄 配刘氏，子四。

鹤龄 配张氏。

箬 号磊轩。配李氏。

簠 配封氏、孙氏。

笏 字汾里，邑庠生。配孙氏。

筠 字文亨，邑庠生。配王氏。

上世系据手稿《蒲氏族谱》与《蒲氏世谱》辑录。